

景德傳燈錄卷第二十六

弱六

宋 沙門 道原 祀

吉州育原山行思禪師第九世下至第十

世  
第九世

弱六

金陵清涼文益禪師法嗣三十三人一十三人見錄

蘇州薦福紹明禪師

澤州古賢謹禪師

宣州興福可勲禪師

洪州上藍守訥禪師

撫州覆船和尚

杭州奉先法瓌禪師

廬山化城慧朗禪師

杭州永明道鴻禪師

高麗靈鑒禪師  
廬山歸宗義柔禪師

荆門上泉和尚

廬山大林僧遁禪師  
廬山歸宗省一禪師

池州仁王緣勝禪師

荊州上方慧英禪師

荊州護國邁禪師  
廬山歸宗師慧禪師

饒州芝嶺照禪師

襄州延慶通性大師  
廬山歸宗夢欽禪師

洪州舍利玄闡禪師

洪州永安明禪師

可莊禪師

洪州石霜爽禪師

江西靈山和尚

洪州佛手巖因禪師

昇州華嚴幽禪師

金陵保安止和尚

昇州平道達禪師

湖州木平道達禪師

大寧道邁禪師

衡嶽南臺守安禪師法嗣二人見錄

襄州鷲嶺善美禪師

襄州清谿洪進禪師法嗣二人見錄

楚州龍興德賓禪師  
鄂州黃龍仁禪師  
洪州西山道聳禪師  
已上二十人無機緣語句不錄

相州天平山從漪禪師

廬山圓通緣德禪師

金陵清涼休復禪師法嗣二人見錄

金陵奉先慧同禪師

廬山寶慶庵道昌禪師  
一人無機緣語句不錄

撫州龍濟山紹修禪師法嗣

一人見錄

河東廣原和尚

漳州報劬院玄應禪師法嗣

安州慧日院明禪師  
人無機緣語句不錄  
報劬第二世仁義禪師  
一人無機緣語句不錄

漳州隆壽無逸禪師法嗣一人見錄

漳州隆壽法騫禪師

廬山歸宗道詮禪師法嗣一人見錄

筠州九峯義詮禪師

眉州黃龍繼達禪師法嗣一人見錄

第二世黃龍和尚

朗州梁山緣觀禪師法嗣 一人見錄

郢州大陽山警玄禪師

第十世

天台山德韶國師法嗣四十九人

三十人見錄

杭州永明寺延壽禪師

溫州大寧可弘禪師 蘇州長壽朋彥大師

杭州五雲山志逢大師

杭州報恩法端禪師 杭州報恩紹安禪師

福州廣平守威禪師 杭州報恩永安禪師

廣州光聖師護禪師

杭州奉先清昱禪師

天台普聞智勤禪師

溫州鴈蕩願濟禪師

杭州普門希辯禪師

杭州光慶遇安禪師

天台般若友蟾禪師

婺州智者全肯禪師

福州玉泉義隆禪師

杭州龍冊曉榮禪師

杭州功臣慶蕭禪師

越州稱心敬璡禪師

福州嚴峯師木禪師

潞州華嚴慧達禪師

越州清泰道圓禪師

杭州開化行明大師

杭州開善義圓禪師

杭州龍華慧居禪師

婺州齊雲遇臻禪師

溫州瑞鹿寺本先禪師

杭州

報恩德謙禪師

天台

靈隱處先禪師

建省

義禪師

師

越州觀音安禪師  
越州雲門重曜禪師  
越州大禹榮禪師  
杭州靈隱紹光禪師  
杭州龍華紹鑾禪師  
杭州碧泉行新禪師  
杭州象田默禪師  
杭州登雲從堅禪師  
杭州何山道孜禪師  
杭州大禹自廣禪師  
筠州黃藥師  
筠州諸暨五峯禪師  
杭州洞州觀音朗禪師  
杭州湖州觀音曉禪師  
杭州大禹自廣禪師  
杭州黃藥師  
杭州千光王瓊省禪師

婺州仁壽澤禪師  
越州地藏瓊禪師

杭州報恩寺慧明禪師法嗣一人見錄  
福州保明道誠大師

金陵報慈道場文遂導師法嗣

常州齊雲慧禪師

常州雙嶺祥禪師

洪州龍沙茂禪師

洪州大寧獎禪師  
已上五人無機緣語句不錄

杭州永明道潛禪師法嗣三人見錄

杭州千光王瓊省禪師

衢州鎮境志澄大師  
杭州靈隱清聳禪師法嗣九人  
八人見錄

蘇州瑞光清表禪師  
已上一十九人無機緣語句不錄

杭州功臣院道慈禪師

秀州羅漢願昭禪師

衢州灤寧可先禪師

杭州保清遇寧禪師

杭州瑞龍希圓禪師

處州報恩師智禪師

杭州光孝道端禪師

福州支提辯隆禪師

洪州雲居道齊禪師

廬山接賢慧聰禪師  
人無機緣語句不錄

金陵報恩法安禪師法嗣二人見錄

廬山棲賢道堅禪師

廬山歸宗第十四世慧誠禪師

廬州長安院延規禪師法嗣二人見錄

廬州長安辯實禪師

潭州雲蓋用清禪師

第十一世

杭州永明寺延壽禪師法嗣

杭州富陽子蒙禪師

金陵清涼泰欽禪師法嗣

二人見錄

杭州北藏

景德傳燈錄

第一五四册

已上二人無機  
綠語句不錄

蘇州長壽院朋彥大師法嗣一人見錄

長壽第二世法齊禪師

杭州普門寺希辯禪師法嗣

高麗國慧洪禪師  
越州上林胡智禪師

五

吉州青原山行思禪師第九世下

金陵清涼文益禪師法嗣

蘇州薦福院紹明禪師州將錢仁奉請住持  
乃問如何是和尚家風師曰一切處看取

澤州古賢院謹禪師勘僧云如來堅密身  
一切塵中現如何是堅密身僧豎指師云現  
即現你怎生會僧無語師立次見淨慧問  
一僧云自離此間什麼處去來曰入嶺來淨  
慧曰不易曰虛涉他如許多山水淨慧曰如  
許多山水也不惡其僧無語師於此言下大  
悟僧問如何是佛師曰築著汝鼻孔

宣州興福院可勲禪師建州建陽人也姓朱  
氏自淨慧印心遂開法住持僧問如何是興  
福主師曰閻黎不識曰莫只這便是麼師曰

已上二人無機  
綠語句不錄

已上二人無機  
綠語句不錄

縱未歇狂頭亦何失問如何是道師曰勤而行之間何云法空師曰不空師有偈示衆曰秋江煙島晴 鷗鷺行行立 不念觀世音爭知普門入

洪州上藍院守訥禪師上堂謂衆曰盡令提綱無人掃地叢林兄弟相共證明晚進之流有疑請問有僧問願開甘露門當觀第一義不落有無中請師垂指示師曰大眾證明曰恁麼即屈去也師曰閑言語問如何是佛師曰更問阿誰

撫州覆船和尚僧問如何是佛師曰不識問如何是祖師西來意師曰莫誇祖師杭州奉先寺法明普照禪師法瓈僧問釋迦出世天雨四華地搖六動未審和尚今日有何祥瑞師曰大眾盡見曰法王法如是也第六師曰人王見在問淨慧寶印和尚親傳今日一會當付何人師曰誰人無分曰恁麼即雷音普震無邊刹也師曰也須善聽

廬山化城寺慧朗禪師江南相宋齊丘請開堂師陞座曰今日令公請山僧爲衆莫非承

佛付囑不忘佛恩衆中有問話者出來爲令公結緣僧問曰令公親降大衆雲臻從上宗乘請師舉唱師曰莫是孤負令公麼問師常苦口爲什麼學人已事不明師曰闍黎什麼處不明白不明處請決斷師曰適來向汝道什麼曰恁麼即全因今日去也師曰退後禮三拜

杭州慧日永明寺通辯禪師道鴻第三世住僧問遠離天台境來登慧日峯久聞師子吼今日請師通師曰聞麼曰恁麼即昔時崇壽今日

永明也師曰幸自靈利何須亂道師謂衆曰大道廓然古今常爾真心周徧如量之智皎然萬象森羅咸真實相該天枯地亘古亘今大衆還會麼還辯白得麼問國王嘉命公貴臨筵未審今日當爲何事師曰驗取曰此意弱大如如何師曰什麼處未來曰恁麼即猶成造次也師曰休亂道問諸佛出世放百寶光明師登寶座有何祥瑞師曰可驗曰法王法如是師曰也是虛言

高麗靈鑒禪師僧問如何是清淨伽藍師曰

牛欄是問如何是佛師曰拽出癩漢著  
荆門上泉和尚僧問二龍爭珠誰是得者師  
曰我得問遠遠投師如何一接師按杖視之

其僧禮拜師便喝問尺璧無瑕時如何師曰  
我不重曰不重後如何師曰火裏蝴蝶飛上

天

廬山大林寺僧遁禪師初住圓通有僧舉僧  
問玄沙和尚向上宗乘此間如何言論玄沙  
云少人聽今問師不知玄沙意旨如何師曰  
待汝移却石耳峯我即向汝道歸宗柔別  
云且低聲

池州仁王院緣勝禪師僧問農家擊壤時如  
何師曰僧家自有本分事曰不問僧家本分  
事農家擊壤時如何師曰話頭何在

廬山歸宗寺義柔禪師第十三世住初上堂陞  
座維那白糙曰法筵龍象衆當觀第一義師

曰若是第一義且作麼生觀恁麼道落在什  
麼處爲是觀爲復不許人觀先德上座共相  
證明後學初心莫喚作返問語倒靠語有疑  
請問僧問諸佛出世說法度人感天動地和  
尚出世有何祥瑞師曰人天大眾前寢語作

麼問諸官已集大眾側聆如何是出世一言之事師曰大衆證明問香煙起處師登座未審宗乘事若何師曰教乘也恁麼會問優曇華拆人皆覩達本無心事若何詔文師曰謾語曰恁麼即南能別有深深旨不是心心人不知師曰事須飽叢林詔文昔日金峯今日歸宗未審是一是二師曰謝汝證明問智藏一箭直射歸宗歸宗一箭當射何人師曰莫誣我智藏問此日知軍親證法師從何處答深恩師曰教我道什麼即得又曰一問一答也無了

期佛法也不是恁麼道理大衆此日之事故非本心實謂只箇住山寧有意向來成佛亦無心蓋緣是知軍請命寺衆誠心既到這裏且說箇什麼即得還相悉麼此若不及古人便道相逢欲想喚脉脉不能語作麼生會若會堪報不報之恩足助無爲之化若也不會莫道長老開堂只舉古人語此之盛事天高海深況喻不及更不敢讚祝皇風迴向清列何以故古人猶道吾擣久矣豈況當今聖明者哉久立珍重僧問如何是空王廟師曰莫

少神曰如何是廟中人師曰適來不謾道問  
靈龜未兆時如何師曰是吉是凶問未達其  
源乞師方便師曰達也曰達後如何師曰終  
不恁麼問問久發大乘心中忘此意如何是  
此意師曰又道中忘

前襄州清谿洪進禪師法嗣

第九

相州天平山從漪禪師有僧問如何得出三  
界師曰將三界來與汝出僧問如何是和尚  
家風師曰顯露地問如何是佛師曰不指天  
地曰爲什麼不指天地師曰唯我獨尊問如

何是天平師曰八凹九凸間洞深杳杳清谿  
水飲者如何不升墮師曰更夢見什麼問大  
衆雲集合譚何事師曰香煙起處森羅見

廬山圓通院緣德禪師錢塘人也姓黃氏初  
出家於臨安朗瞻院落髮依年徃天台山受

具始習禪那於天龍順德大師尋徃江表問  
道值洪進山主印心時江南國主於廬山建  
院請師開法師上堂示衆曰諸上座明取道  
眼好是行脚僧本分事道眼若未明有什麼  
用處只是移盤喫飯道眼若明有何障礙若

未明得強說多端也無用處無事也好尋究僧問如何是四不遷師曰地水火風問如何是古佛心師曰水鳥樹林曰學人不會師曰會取學人問久負勿絃琴請師彈一曲師曰負來得多少時也曰未審作何音調師曰話

墮也珍重問如何是佛法大意師云過去燈明佛本光瑞如是問如何是學人自己師云特地申問是什麼意問如何是大梅主師云闍黎今日離什麼處

前昇州清涼休復禪師法嗣

昇州奉先寺淨照禪師慧同魏府人也姓張氏幼歲出家禮饒州北禪院惟直禪師披削年滿受具於撫州希操律師於清涼得法僧問唯一堅密身一切塵中見又云佛身充滿於法界普見一切羣生前於此二途第六請師說師曰唯一堅密身一切塵中見僧問如何是古佛心師曰汝疑阿那箇不是問如何是常在底人師曰更問阿誰

前撫州龍濟山紹修禪師法嗣

河東廣原和尚僧問如何是佛法大意師示

偈曰

刹刹現形儀 塵塵具覺知 性源常鼓浪  
不悟未曾移

前衡嶽南臺守安禪師法嗣

襄州鷺嶺善美禪師第三世住僧問如何是鷺嶺

境師曰峴山對碧玉江水往南流曰如何是  
境中人師曰有什麼事問百川異流還歸大  
海未審大海有幾滴師曰汝還到海也未曰  
到海後如何師曰明日來向汝道

前漳州隆壽院無逸禪師法嗣

隆壽法駕禪師泉州晉江縣人也姓施氏母

廖氏始娠頓惡葷腥及長捨於本州開元寺  
菩提院出家納戒詣漳州參逸和尚得旨刺

史陳洪鈜請開堂住持隆壽第十三世上堂謂衆曰

今日隆壽出世三世諸佛森羅萬象同時出

道次

十一

世同時轉法輪諸人還見麼僧問如何是隆  
壽境師曰無汝挿足處曰如何是境中人師  
曰未識境在有僧到參至明日入方丈請師  
心要師曰昨日相逢序起居今朝相見事還  
如如何却覓呈心要心要如何特地疏

前廬山歸宗寺道詮禪師法嗣

筠州九峯義詮禪師僧問如何是祖師西來意師曰有力者負之而趨

前眉州黃龍繼達禪師法嗣

眉州黃龍第二世和尚僧問如何是密室師

曰研不開曰如何是密室中人師曰非男女相問國內按劍者是誰師曰昌福曰忽遇尊貴時如何師曰不遺

前朗州梁山緣觀禪師法嗣

郢州大陽山警玄禪師僧問叢林浩浩法鼓

喧喧向上宗乘如何舉唱師曰他無箇消息爭肯應當曰今日宗乘已蒙師指示未審法嗣何人師曰梁山點出秦時鏡長慶峯前一樣輝問如何是大陽境師曰孤鶴老猿啼谷韻瘦松寒竹鎖青煙曰如何是境中人師曰作麼作麼問如何是大陽家風師曰滿餅傾不出大地勿餓人問如何是佛師曰汝何不是佛曰學人不會時如何師曰迢然不掛三秋月一句當陽豈在燈間如何是祖師西來意師曰解問不當曰學人不會時如何師

曰陝府鐵牛人皆嚮下和得玉至今傳問如  
何是大陽透法身底句師曰大洋海底紅塵  
起須彌頂上水橫流問牛頭未見四裡時爲  
什麼百鳥囁華師曰出戶烏雞頭戴雪曰見  
第十六  
後爲什麼不囁華師曰果日當天後烏雞出

戶飛

吉州青原山行思禪師第十世

前天台山德韶國師法嗣

杭州慧日永明寺智覺禪師延壽餘杭人也  
姓王氏總角之歲歸心佛乘既冠不茹葷日

唯一食持法華經七行俱下纔六旬悉能誦  
之感羣羊跪聽年二十八爲華亭鎮將屬翠  
巖永明大師遷止龍冊寺大闡玄化時吳越  
文穆王知師慕道乃從其志放令出家禮翠  
巖爲師執勞供衆都忘身宰衣不縉縉食無  
重味野蔬布襦以遺朝夕尋往天台山天柱  
峯九旬習定有烏類尺鷃巢于衣襍之中暨  
謁韶國師一見而深器之密授玄旨仍謂師  
曰汝與元帥有緣他日大興佛事密受記初  
住明州雪竇山學侶臻湊咸平元年謁師上

堂曰雪竇這裏迅瀑千尋不停纖粟奇巖萬仞無立足處汝等諸人向什麼處進步時有僧問雪竇一徑如何履踐第6師曰步步寒華結言言徹底冰建隆元年忠懿王請入居靈隱山新寺爲第一世明年復請住永明大道場

十三爲第二世衆盈二千僧問如何是永明妙旨

師曰更添香著曰謝師指示師曰且喜勿交涉師有偈曰

欲識永明旨 門前一湖水 日照光明生風來波浪起

問學人久在永明爲什麼不會永明家風師曰不會處會取曰不會處如何會師曰牛胎生象子碧海起紅塵間成佛成祖亦出不得師六道輪迴亦出不得未審出箇什麼不得師曰出汝問處不得問承教有言一切諸佛及佛法皆從此經出如何是此經師曰長時轉不停非義亦非聲曰如何受持師曰若欲受持者應須用眼聽問如何是大圓鏡師曰破砂盆師居永明道場十五載度弟子一千七百人開寶七年入天台山度戒約萬餘人常

與七衆受菩薩戒夜施鬼神食朝放諸生類不可稱算六時散華行道餘力念法華經一萬三千部著宗鏡錄一百卷詩偈賦詠凡千萬言播於海外高麗國王覽師言教遣使齋書叙弟子之禮奉金線織成袈裟紫水精數珠金澡罐等彼國僧三十六人親承印記前後歸本國各化一方以開寶八年乙亥十二月示疾二十六日辰時焚香告衆跏趺而亡明年正月六日塔于大慈山壽七十二臘四十二太宗皇帝賜額曰壽寧禪院

溫州大寧院可弘禪師僧問如何是正真一路師曰七顛八倒曰恁麼即法門無別去也師曰我知汝錯會去問皎皎地無一絲頭時如何師曰話頭已墮曰乞師指示師曰適來亦不虛設問向上宗乘請師舉揚師曰汝問

題一

太遲生曰恁麼即不仙陀去也師曰深知汝恁麼去

題二

蘇州安國長壽院明彥大師永嘉人也姓秦氏本州開元寺受業初參婺州金陵寶資和尚後因慧明禪師激發而歸于天台之室悟

正法眼自此隨緣闡法盛化姑蘇節帥錢仁  
奉禮重創院請轉法輪本國賜紫衣署廣法  
大師僧問如何是玄旨師曰四稜塌地問如  
何是絕絲毫底法師曰山河大地曰恁麼則  
即相而無相也師曰也是狂言問如何是徑  
直之言師曰千迂萬曲曰恁麼即無不總是  
也師曰是何言歟問如何是道師曰跋涉不  
易師建隆二年辛酉以住持付門人法齊繼  
世說法即其年四月六日示滅壽四十九臘

三十五

杭州五雲山華嚴道場志逢大師餘杭人也  
生惡葷血膚體香潔幼歲出家于本邑東山  
朗瞻院依年受具通貫三學了達性相當夢  
陞須彌山覩三佛列坐初釋迦次彌勒皆禮  
其足唯不識第三佛但仰視而已時釋迦示  
之曰此是補處彌勒師子月佛第十六師方作禮覺  
後因閱大藏經乃符所夢天福中遊方抵天  
台山雲居道場參國師賓主緣契頗發玄祕  
一日因入普賢殿中宴坐倏有一神人跪膝  
于前師問曰汝其誰乎曰護戒神也師曰吾

患有宿愆未殄汝知之乎曰師有何罪唯一  
小過耳師曰何也曰凡折鉢水亦施主物師  
每常傾棄非所宜也言訖而隱師自此洗鉢  
水盡飲之積久因致脾胃疾十載方愈凡折  
退飲  
食及涕唾便利等並宜鳴指默念呢發施心而傾棄之吳越國王嚮其

道風召賜紫署普覺大師初命住臨安功臣  
院玄侶輻湊師上堂曰諸上座捨一知識而  
參一知識盡學善財禮游之式樣也且問上  
座只如善財禮辭文殊擬登妙峯山謁德雲  
比丘及到彼所何以德雲却於別峯相見夫  
時如何是功臣的意師曰見麼曰恁麼即  
大眾咸欣也師曰將謂師子兒問佛佛授手  
祖傳心未審和尚傳箇什麼師曰汝承當  
得麼曰學人承當不得還別有人承當得否  
師曰大眾笑汝問如何是如來藏師曰恰問

著問如何是諸佛機師曰道是得麼師一日上堂良久曰大衆看看便下座歸方丈開寶初忠懿王創普門精舍三請住持再揚宗要即普門第一世師上堂曰古德爲法行脚實不憚勤勞如雪峯和尚三迴到投子九度上洞山盤桓往返尚求箇入路不得看汝近世參學人纔跨門來便待老僧接引指掌說禪且汝欲造玄極之道豈當等閑況此事悟亦有時躁求焉得汝等要知悟時麼如今各且下去堂中靜坐直待仰家峯點頭老僧即爲

汝說時有僧出曰仰家峯點頭也請師說師曰大衆且道此僧會老僧語不會老僧語其僧禮拜師曰今日偶然失鑒問如何是普門家風師曰幾人觀不足曰如何是普門境師曰汝到處且問家風了休師開寶四年固辭國主稱年老願依林泉願養時大將凌超以五雲山新創華嚴道場奉施爲終老之所雍熙二年乙酉十一月忽示疾二十五日命侍僧辦香水盥沐趺趺而坐良久告寂壽七十七臘五十八塔曰寶峯常照

杭州報恩光教寺慧月禪師法端第三世住師上

堂曰數夜與諸上座東語西話猶未盡其源  
今日與諸上座大開方便一時說却還願樂  
也無久立珍重僧問學人恁麼上來請師接第6  
十七師曰不接曰爲什麼不接師曰爲汝太靈利

杭州報恩光教寺通辨明達禪師紹安第四世住師上  
師上堂曰一句染神萬劫不朽今日爲諸上  
座舉一句分明記取珍重僧問大衆側聆請  
師不答師曰奇怪曰恁麼即今日得遇於師  
也師曰是何言歟師有時示衆曰幸有樓臺

市地常提祖印不妨諸上座參取久立珍重  
問如何是和尚家風師曰一切處見成曰恁  
麼即亘古亘今也師曰莫開言語

福州廣平院守威宗一禪師福州候官人也  
西峯山受業參天台得旨國師授之法衣時

有僧問曰太庾嶺頭提不起如何傳授於師  
師拈起衣曰有人敢道天台得麼時吳越忠  
懿王嚮德命闡法住持署于師名玄徒臻萃  
上堂示衆曰達磨大師云吾法三千年後不  
移絲髮山僧今日不移達磨絲髮先達之者

共相證明若未達者不移絲髮僧問洪鐘韻絕大眾臨筵祖意西來請師提唱師曰洪鐘韻絕大眾臨筵問古人云任汝千聖見我有天真佛如何是天真佛師曰千聖是弟問如何是廣平家風師曰誰不受用師後遷住怡山長慶上堂謂衆曰不用開經作梵不用展鈔牒科還有理論處也無設有理論處乃是方便之譚宗乘事作麼生僧問如何是西來意師曰未曾有人答得曰請師方便師曰何不更問師後終於長慶

杭州報恩光教寺第五世住永安禪師溫州永嘉人也姓翁氏幼歲依本郡彙征大師出家後唐天成中隨本師入國吳越忠懿王命征爲僧正師尤不喜俗務擬潛往閩川投訪禪會屬路岐艱阻遂迴天台山結茅而止尋遇韶國師開示頓悟本心乃辭出征師聞于忠懿王初命住越州清泰院次召居上寺署正覺空慧禪師上堂曰十方諸佛一時雲集與諸上座證明諸上座與諸佛一時證明還信麼切忌卜度僧問四衆雲臻如何舉唱第十六

師曰若到諸方切莫錯舉曰非但學人大衆  
有賴師曰禮拜著僧問五乘三藏委者頗多  
祖意西來乞師指示師曰五乘三藏曰向上  
還有事也無師曰汝却靈利問如何是大作  
佛事師曰嫌什麼曰恁麼即親承摩頂去也  
師曰何處見世尊問如何是西來意師曰汝  
過這邊立僧移步師曰會麼曰不會師示偈  
曰

汝問西來意 且過這邊立 言夜三更時  
雨打虛空濕 電影豁然明 不似蚰蜒急

師開寶七年甲戌夏六月示疾告衆爲別時  
有僧問昔日如來正法迦葉親傳未審和尚  
玄風百年後如何體會師曰汝什麼處見迦  
葉來曰恁麼即信受奉行不忘斯旨也師曰  
佛法不是這箇道理言訖坐亡壽六十四臘  
四十四既闍維而舌不壞柔軟如紅蓮葉今  
第十九藏于普賢道場中師以華嚴李長者釋論旨  
趣宏奧因將合經成百二十卷雕印徧行天  
下

廣州光聖道場師護禪師閩越人也自天台

得法化行嶺表國士劉氏待以師禮創大伽藍請師居焉署大義之號僧問昔日梵王請佛今日國主臨筵祖師西來如何舉唱師曰不要西來山僧已舉唱了也曰豈無方便師曰適來豈不是方便問國王三請來坐光聖道場未審和尚法嗣何方師曰一聲鼙鼓萬戶齊窺曰恁麼即天台妙旨光聖親承也師曰莫亂道問學人乍入叢林西來妙訣乞師指示師曰汝未入叢林我已示汝了也曰如何領會師曰不要領會

杭州奉先寺清昱禪師永嘉人也得法於天台國師吳越忠懿王召入問道命軍使薛溫於西湖建大伽藍曰奉先建大佛寶閣延請師居之演暢宗旨署圓通妙覺禪師僧問如何是西來意師曰高聲舉似大衆師開寶中示滅于本寺

台州天台山紫凝普聞寺智勤禪師僧問如何是空手把鋤頭師曰但恁麼諦信曰如何是步行騎水牛師曰汝自何來師有頌示衆曰

今年五十五 脚未踴寸土 山河是眼睛

大海是我肚

太平興國四年例試僧經業山門老宿各寫  
法名唯師不閑書札時通判李憲問禪師世  
尊還解書也無師曰天下人知至淳化初不  
翁六疾命侍僧開浴訖垂誠徒衆安坐而逝塔  
于本山三年後門人遷塔發龕覩師全身不  
散容儀儼若髭髮仍長迎入新塔

溫州鴈蕩山願濟禪師錢塘人也姓江氏少  
依水心寺紹巖禪師出家受具初習智者教

精研止觀圓融行門後參天台國師發明玄  
奧乃住鴈蕩山開寶五年吳越王長子於西  
關建光慶寺請師開法住持仍於城下諸禪  
衆中訪求名行三百人同入新寺師上堂有  
僧問夜月舒光爲什麼碧潭無影師曰作家  
弄影漢其僧從東過西立師曰不唯弄影兼  
乃怖頭師居之未幾固辭入山太平興國中  
示滅

杭州普門寺希辨禪師蘇州常熟人也幼出  
家禮本邑延福院啓祥禪師落髮具戒詣楞

伽山聽律尋鵠天台受心印乾德初吳越忠  
懿王命住越州清泰院署慧智禪師開寶中  
復召入居普門寺即第二師世住上堂曰山僧素  
乏知見復寡聞持頃雖侍坐於山中和尚亦  
不蒙一句開示以至今與諸仁者聚會更無  
舊文  
一法可相助發何況能爲諸仁者區別緇素  
商量古今還怪得山僧麼若有怪者且道此  
人具眼不具眼有賓主義無賓主義晚學初  
機必須審細時有僧問如何是普門示現神  
通事師曰恁麼即闍黎怪老僧也曰不怪時

如何師曰汝且下堂裏思惟去太平興國三  
年吳越王入觀師隨寶塔至見于滋福殿賜  
紫號慧明大師端拱中上言願還故里詔從  
之賜御製詩及忠懿王施金於常熟本山院  
創壇浮圖七級高二百尺功既就至道三年  
八月二十五日示疾而逝壽七十七臘六十  
三塔于院之西北隅

杭州光慶寺遇安禪師錢塘人也姓沈氏少  
歲出家于天台華頂峯禮庵主重蕭披剃依  
年受具尋遇本山韶國師密契宗旨乾德中

吳越忠懿王命住北關傾心院又召入居天龍寺開寶七年甲戌安僖王請於光慶寺攝衆署善智禪師初上堂有僧問無價寶珠請師分付師曰善能吐露曰恁麼即人人具足也師曰珠在什麼處僧乃禮拜師曰也是虛言問提綱舉領盡立主賓如何是主師曰深委此問曰如何是賓師曰適來向汝道什麼曰賓主道合時如何師曰其令不行問心月孤圓光吞萬象如何是吞萬象底光師曰大眾總見汝恁麼問曰光吞萬象從師道心月

孤圓意若何師曰抖擻精神著曰駕倚雪巢猶可辨光吞萬象事難明師曰謹退問青山綠水處處分明和尚家風乞垂一句師曰盡被汝道了也<sub>白</sub>未必如斯請師答話師曰不用開言又一僧方禮拜師曰問答俱備僧擬第6仲問師乃叱之師有時示衆曰欲識曹谿旨雲飛前面山分明真實箇不用別追攀問承古德有言井底紅塵生山頭波浪起未審此意如何師曰若到諸方但恁麼問曰和尚意旨如何師曰適來向汝道什麼師又曰古今

相承皆云虛生井底浪起山頭結子空華生  
兒石女且作麼生會莫是和聲送事就物呈  
心句裏藏鋒聲前全露麼莫是有名無體異  
唱玄譚麼上座自會即得古人意旨不然既  
恁麼會不得合作麼生會上座欲得會麼但  
看泥牛行處陽燄翻波木馬嘶時空華墜影  
聖凡如此道理分明何須久立珍重太平興  
國三年隨寶塔見于滋福殿賜紫號明智大  
師淳化初還光慶舊寺三年九月二十一日  
歸寂

天台山般若寺友蟾禪師錢塘臨安人也幼  
歲出家於本邑東山朗瞻院得度聞天台國  
師盛化遠趨函丈密印心地初命住雲居普  
賢院僧侶咸湊吳越忠懿王署慈悟禪師遷  
止上寺衆盈五百僧間鼓聲纔動大衆雲臻  
向上宗乘請師舉唱師曰虧汝什麼曰恁麼  
即人人盡霑恩去也師曰莫亂道雍熙三年  
以山門大衆付受業弟子隆一繼踵開法至  
淳化初示滅歸葬于本山

婺州智者寺金肯禪師初參天台天台問汝

名什麼曰全不肯天台曰肯箇什麼師乃禮拜  
住後有僧問有人不肯師還甘也無師曰若  
人問我即向伊道師太平興國中以住持付  
法嗣弟子紹忠繼世說法尋於本寺歸寂

福州玉泉義隆禪師上堂曰山河大地盡在

諸人眼睛裏因什麼說會與不會時有僧問

曰山河大地眼睛裏師今欲更指歸誰師曰  
只爲上座去處分明白若不上來伸此問焉  
知方便不虛施師曰依俙似曲纔堪聽又被  
風吹別調中

杭州龍冊寺第五世住曉榮禪師溫州白鹿  
人也姓鄧氏幼依瑞鹿寺出家登戒聞天台  
國師盛化遂入山參禮受心法初住杭州富  
陽浮福院後往龍冊寺二處皆聚徒開法僧  
問祖祖相傳未審和尚傳阿誰師曰汝還識  
得祖未僧慧文問如何是真實沙門師曰汝  
是慧文問如何是般若大神珠師曰般若大  
神珠分形萬億軀塵塵妙體刹刹盡毗盧  
問日用事如何師曰一念周沙界日用萬般  
通湛然常寂滅常轉自家風師一日坐妙善

臺受大眾小參有僧問向上事即不問如何

是妙善臺中的意師曰若到諸方分明舉

似曰恁麼即雲有出山勢水無投澗聲師乃叱之師淳化元年庚寅八月二十九日於秀

州靈光寺淨土院歸寂預告門人致書辭同

道壽七十一臘五十六

詔大

廿四

杭州臨安縣功臣院慶肅禪師僧問如是功臣家風師曰明暗色空曰恁麼即諸法無生去也師曰汝喚什麼作諸法師乃頌曰

功臣家風 明暗色空 法法非異 心心自通

恁麼會得諸佛真宗

越州稱心敬璣禪師僧問結束囊裝請師分付師曰莫諱曰什麼處孤負和尚師曰却是沒孤負我師後遷住杭州保安院示滅

福州嚴峯師木禪師初開堂陞座時有極樂

和尚問曰大眾願望請震法雷師曰大眾還

會麼還辨得麼今日不異靈山乃至諸佛國土天上人間總皆如是亘古亘今常無變異作麼生會無變異底道理若會得所以道無邊剎境自他不隔於毫端十世古今始終不

移於當念問靈山一會迦葉親聞今日嚴峯  
一會誰是聞者師曰問者不弱問如何是文  
殊師曰來處甚分明

第六  
潞州華嚴慧達禪師僧問如何是古佛心師  
曰山河大地問如何是華嚴境師曰滿目無

形影

第七

杭州九曲觀音院慶祥禪師餘杭人也姓沈  
氏身長七尺餘辯才冠衆多聞強記時天台  
門下推爲傑出僧問險惡道中以何爲津梁  
師曰以此爲津梁曰如何是此師曰築著汝  
鼻孔

越州剡縣清泰院道圓禪師僧問亡僧遷化  
向什麼處去也師曰今日遷化嶺中上座問  
如何是祖師西來意師曰不可向汝道庭前  
柏樹子

杭州開化寺傳法大師行明本州人也姓于  
氏少投明州雪竇山智覺禪師披剃及智覺  
遷住永明大道場有徒二千王臣欽仰法化  
彌盛師自天台受記迴永明翼贊本師海衆  
傾仰開寶八年智覺歸寂師遂住能仁寺忠

懿王

又建大和寺

尋改名六和寺後太宗皇帝賜號開化

延請

住持二處皆聚徒說法僧問如何是開化門中流出方便師曰日日潮音兩度聞問如何是無盡燈師曰謝闍黎照燭太宗皇帝賜紫衣師號咸平四年四月六日示滅

於天台又常閉首楞嚴了義時謂之安楞嚴也至道元年季春月示滅有法嗣弟子蘊仁侍坐師乃說偈曰

一不是嶺頭攜得事 豈從雞足付將來  
自古聖賢皆若此 非吾今日爲君裁

越州蕭山縣漁浦開善寺義圓禪師僧問一年去一年來方便門中請師開師曰分明記取曰恁麼即昔時師子吼今日象王迴師曰且喜易交涉

溫州瑞鹿寺上方遇安禪師福州人也得法

師說偈付囑以香水沐身易衣安坐令昇棺至室良久自入棺經三日門人與本寺瑜閣黎輒啓棺覩師右脇吉祥而卧四衆哀慟師乃再起上堂說法及訶責垂誠曰此度更啓

吾棺者非吾之子言訖復入棺長往

杭州龍華寺慧居禪師閩越人也自天台領旨吳越忠懿王命住上寺初開堂衆集定師曰從上宗乘到此如何言論又如何舉唱只如釋迦如來說一代時教如餅注水古德尚云猶如夢事寐語一般且道古德據什麼道理便恁麼道還會麼大施門開何曾擁塞生凡育聖不漏纖塵言凡則全凡舉聖則全聖凡聖不相待箇箇獨尊所以道山河大地長時說法長時放光地水火風一一如是時有僧出禮拜師曰好箇問頭如法問將來僧方

進前師曰又勿交涉也僧問諸佛出世放光動地和尚出世有何祥瑞師曰話頭自破異日上堂謂衆曰龍華這裏也只是拈柴擇菜上來下去晨朝一粥齋時一飯睡後喫茶但恁麼參取珍重僧問學人未明白自己如何辨得淺深師曰識取自己眼曰如何是自己眼第二師曰向汝道什麼

婺州齊雲山遇臻禪師越州人也姓楊氏幼歲依本州大善寺出家年滿登具預天台之室親承印記住齊雲山宴居法侶咸湊僧問

如何是無縫塔師曰五六尺其僧禮拜師曰塔倒也問圓明了知爲什麼不因心念師曰圓明了知曰何異心念師曰汝喚什麼作心念師秋夕閑坐偶成頌曰

秋庭肅肅風颺颺 寒星列空蟾嵬高

揩頤靜坐神不勞 烏窠無端拈布毛  
其諸歌偈皆觸事而作三百餘首流行見乎

別錄至道中卒于大善寺

溫州瑞鹿寺本先禪師溫州永嘉人也姓鄭氏幼歲於本州集慶院出家納戒於天台國

清寺得法於天台韶國師師初遇國師國師導以非風幡動仁者心動之語師即時悟解後乃示徒曰吾初學天台法門語下便薦然千日之內四儀之中似物礙膺如讎同所千日之後一日之中物不礙膺讎不同所當下

安樂頓覺前咎乃述頌三首一非風幡動仁者心動頌曰

非風幡動唯心動 自古相傳直至今

今後水雲徒欲曉 祖師真實好知音  
二見色便見心頌曰

若是見色便見心 人來問著方難答  
更求道理說多般 孤負平生三事衲  
三明自己頌曰

曠大劫來祇如是 如是同天亦同地  
同地同人作麼形 作麼形<sup>大</sup>号無不是

師自爾足不歷城邑手不度財貨不設卧具  
不衣繭絲<sup>大</sup>卯齋終日宴坐申旦誨誘徒衆朝  
夕懇至踰三十載其志彌厲師示衆云你等  
諸人還見竹林蘭若山水院舍人衆麼若道  
見則心外有法若道不見焉奈竹林蘭若山

水院舍人衆現在縱然地還會恁麼告示麼  
若會不妨靈利無事莫立師示衆云佛身充  
滿於法界普現一切羣生前隨緣赴感靡不  
周而<sup>大</sup>處此菩提座若道佛身充滿於法界  
去菩薩界緣覺界聲聞界天界脩羅界人界  
畜生界餓鬼地獄界如是等界應須勿有蹤  
跡去始得爲什麼有此二三說爲道法界唯  
是佛身便恁麼道恁麼道既成二三又作麼  
生說是充滿法界底佛身向這裏爲你等亂  
道還得麼於這箇說話若也薦得不妨省心

力若也薦不得你等且道不歷僧祇獲法身  
是箇甚人彼此出浴勞倦不妨且退師有時  
云大凡參學佛法未必學明話是參學未必  
學揀話是參學未必學代語是參學未必學  
別語是參學未必學揀破經論中奇特言語  
第六  
是參學未必揀破諸祖師第七特言語是參學  
次參學則無究了又云幽林鳥叫碧澗魚跳  
雲片展張瀑聲鳴咽你等還知得如是多景  
象示你等箇入處麼苦也知得不妨參取好  
又云天台教中說文殊觀音普賢三門文殊  
門者一切色觀音門者一切聲普賢門者不  
也參學應須真實參學始得真實參學也行

時行時參取立時立時參取坐時坐時參取  
眠時眠時參取語時語時參取默時默時參  
取一切作務時一切作務時參取既向如是  
等時參且道參箇甚人參箇什麼說到這裏  
須自有箇明白處始得若非明白處喚作造  
次參學則無究了又云幽林鳥叫碧澗魚跳  
雲片展張瀑聲鳴咽你等還知得如是多景  
象示你等箇入處麼苦也知得不妨參取好  
又云天台教中說文殊觀音普賢三門文殊  
門者一切色觀音門者一切聲普賢門者不

動步而到我道文殊門者不是一切色觀音  
門者不是一切聲普賢門者是箇什麼莫道  
別却天台教說話無事且退又云南泉遷化  
向甚處去東家作驢西家作馬若是求出三  
界修行底人聞這箇言語不妨狐疑不妨驚

怛南泉遷化向甚處去東家作驢西家作馬  
或會云千變萬化不出真常南泉遷化向甚  
處去東家作驢西家作馬或會云乃作驢叫  
又作馬嘶南泉遷化向甚處去東家作驢西  
家作馬或會云喚什麼作東家驢喚什麼作  
西家馬南泉遷化向甚處去東家作驢西家  
作馬或會云既問遷化答在問處南泉遷化  
向甚處去東家作驢西家作馬或會云作露  
東家作驢西家作馬或會云東家是南泉西

家是南泉南泉遷化向甚處去東家作驢西  
家作馬或會云東家郎君子西家郎君子南  
泉遷化向甚處去東家作驢西家作馬或會  
云東家是什麼西家是什麼南泉遷化向甚  
處去東家作驢西家作馬或會云乃作驢叫  
第十六  
又作馬嘶南泉遷化向甚處去東家作驢西  
家作馬或會云喚什麼作東家驢喚什麼作  
西家馬南泉遷化向甚處去東家作驢西家  
作馬或會云既問遷化答在問處南泉遷化  
向甚處去東家作驢西家作馬或會云作露

柱處去南泉遷化向甚處去東家作驢西家作馬或會云東家作驢虧南泉甚處西家作馬虧南泉甚處如是諸家會也總知佛法有安樂處南泉遷化向甚處去東家作驢西家作馬學人不會要騎便騎要下便下這箇答話不消得多道理而會若見法界性去也勿多事珍重又云晨朝起來洗手面盥漱了喫茶喫茶了佛前禮拜佛前禮拜了和尚主事處問訊和尚主事處問訊了僧堂裏行益僧堂裏行益了上堂喫粥上堂喫粥了歸下處

打睡歸下處打睡了起來洗手面盥漱起來洗手面盥漱了喫茶喫茶了東事西事東事西事了齋時僧堂裏行益齋時僧堂裏行益了上堂喫飯上堂喫飯了盥漱盥漱了喫茶喫茶了東事西事東事西事了黃昏唱禮黃昏唱禮了僧堂前喝參僧堂前喝參了主事處喝參主事處喝參了和尚處問訊和尚處問訊了初夜唱禮初夜唱禮了僧堂前喝珍重僧堂前喝珍重了和尚處問訊和尚處問訊了禮拜行道誦經念佛如此之外或往莊

上或入郡中或歸俗家或到市肆既有如是等運爲且作麼生說箇勿轉動相底道理且作麼生說箇那伽常在定無有不定體底道理還說得麼若也說得一任說取珍重又云鑑中形影唯憑鑑光顯現你等諸人所作一切事且道唯憑箇什麼顯現還知得麼若也知得於參學中千足萬足無事莫立又云你等諸人夜間眠熟不知一切既不知一切且問你等那時有本來性若道那時有本來性那時又不知一切與死無異若道那時無本

來性那時睡眠忽省覺知如故還會麼不知一切與死無異睡眠忽省覺知如故知是等時是箇什麼若也不會各自體究取無事莫立又云諸法所生唯心所現如是言語好箇人底門戶且問你等諸人眼見一切色耳聞一切聲鼻聞一切香舌知一切味身觸一切軟滑意分別一切諸法只知眼耳鼻舌身意所對之物爲復唯是你等心爲復非是你等心若道唯是你等心何不與你等身都作一塊了休爲什麼所對之物却在你等眼耳鼻

舌身意外你等若道眼耳鼻舌身意所對之物非是你等心又焉奈諸法所生唯心所現言語留在世間何人不舉著你等見這箇說話還會麼若也不會大家用心商量教會去羅大幸在其中莫令厭學無事且退大中祥符元年二月師忽謂上足如晝曰可造石龕仲秋廿二

望日吾將順化如晝稟命尋即成就及期遠近士庶奔趨瞻仰是日參問如常至午時安坐方丈手結寶印復謂如晝曰古人云騎虎頭打虎尾中央事作麼生如晝答云也只是

如晝師云你問我晝乃問騎虎頭打虎尾中央事和尚作麼生師云我也弄不出言訖奄然開一目微視而寂壽六十七臘四十二長吏具以事聞詔本州常加檢視如晝乃奉師嘗所著竹林集十卷詩篇歌辭共千餘首詣闕上進詔藏祕閣如晝特賜紫衣

前杭州報恩寺慧明禪師法嗣

福州長谿保明院通法大師道誠師上堂曰如爲一人衆多亦然珍重僧問如何是保明家風師曰看問圓音普震三等齊聞竺土儂

心請師密付師良久僧曰恁麼即意馬已成  
於寶馬心牛頓作於白牛師曰七顛八倒曰  
若不然者幾招哂笑師曰禮拜退後問如何  
是和尚西來意師曰我不曾到西天曰如何  
是學人西來意師曰汝在東土多少時

詣六

世三

前杭州永明寺道潛禪師法嗣

杭州千光王寺瓊省禪師溫州陶山人也姓  
鄭氏幼歲出家精究律部聽天台文句棲心  
於圓頓止觀後閱楞嚴文理宏濬未能洞曉  
一夕誦經既久就案若假寐夢中見日輪自

空降開口吞之自是倏然發悟差別義門漁

然無滯後聞國城永明法席隆盛專由參閱

永明唯印前解無別指喻即以忠懿王所遺  
衲衣授之表信後住湖西嚴淨院開寶三年  
衢州刺史翁晟仰重師道乃開西山創大禪

苑太宗皇帝改賜寶雲寺額請師居之學者臻萃師上堂

曰諸上座佛法無事昔之日月今之日月昔  
日風今日風昔日上座今日上座莫道舉亦  
了說亦了一切成現好珍重師開寶五年壬  
申七月示疾不求醫三日前有寶樹浴池現

師曰凡所有相皆是虛妄二十七日晡時集衆言別安坐而逝壽六十有七閻維舍利門人建塔

衢州鎮境志澄大師僧問如何是定乾坤底劍師曰不漏絲髮曰用者如何師曰不知問

或因普請鋤頭指傷蝦蟆蚯蚓還有罪也無

師曰阿誰是下手者曰恁麼即無罪過師曰因果歷然師後遷住杭州西山寶雲寺說法本國賜紫署積善大師

明州崇福院慶祥禪師上堂曰諸禪德見性

周徧聞性亦然洞徹十方無內無外所以古  
人道隨緣無作動寂常真如此施爲全真智  
用問如何是本來人師曰堂堂六尺甚分明  
曰只如本來人還作如此相貌也無師曰汝  
喚什麼作本來人曰乞師方便師曰教誰方  
對大  
對四便

前杭州靈隱寺清聳禪師法嗣

杭州臨安功臣院道慈禪師問師登寶座大  
衆咸臻請師舉揚宗教師曰大眾證明上座  
曰恁麼即亘古亘今也師曰也須領話始得

秀州羅漢院願昭禪師錢塘人也依本部西山保清院受業自靈隱發明衆請出世師上堂曰山河大地是真善知識時常說法時時度人不妨諸上座參請無事久立僧問羅漢

家風請師一句師曰嘉禾合穗上國傳芳曰此猶是嘉禾家風如何是羅漢家風師曰或到諸方分明舉似師後住杭州香嚴寺僧問不立纖塵請師直道師曰衆人笑汝曰如何領會師曰還我話頭來

處州報恩院師智禪師僧問如何是和尚家

風師曰誰人不見問如何是一相三昧師曰青黃赤白曰一相何在師曰汝却靈利問祖祖相傳傳祖印師今法嗣嗣何人師曰靈鷲峯前月輪皎皎

衢州潕寧可先禪師僧問如何是潕寧家風第十二師曰謝指示問如何是西來意第十三師曰怪老僧什麼處第十四學人不會乞師方便師曰適來豈不是問西來意

杭州臨安光孝院道端禪師僧問如何是佛師曰高聲問著第十五莫即便是也無第十六師曰勿交

涉師後住靈隱寺示滅。

杭州西山保清院遇寧禪師初開堂陞座有二僧一時禮拜師曰二人俱錯僧擬進語師便下座

福州支提山雍熙寺辯隆禪師明州人也依靈隱寺了悟禪師出家遂受心印師上堂曰巍巍實相逼塞虛空金剛之體無有破壞大眾還見不見若言見也且實相之體本非青黃赤白長短方圓亦非見聞覺知之法且作麼生說見底道理若言不見又道巍巍實相

逼塞虛空爲什麼不見僧問如何是向上一路師曰脚下底曰恁麼即尋常履踐師曰真錯認問如何是堅密身師曰倮倮地曰恁麼即不密也師曰見什麼

杭州瑞龍院希圓禪師僧問如何是和尚家風師曰特謝闍黎借問曰借問即不無家風作麼生師曰瞌睡漢

前金陵報慈行言導師法嗣

洪州雲居山義能禪師第九世住師上堂曰不用上來堂中憊陳如上座爲諸上座轉第一義

法輪還得麼若自信得各自歸堂參取師下  
堂後却問一僧只如山僧適來教上座參取  
詞大  
聖僧聖僧還道箇什麼僧曰特謝和尚再舉  
問如何是佛師曰即心是佛曰學人不會乞  
師方便師曰方便呼爲佛迴光返照看身心  
世大  
是何物

前金陵清涼泰欽禪師法嗣

洪州雲居山第十一世住道齊禪師洪州人  
也姓金氏禮百丈山明照禪師得度徧歷禪  
會學心未息後遇法燈禪師機緣頓契暨法

燈住上藍院師乃主經藏一日侍立次法燈  
謂師曰藏主我有一轉西來意話汝作麼生  
會師對曰不東不西法燈曰有什麼交涉曰  
道齊只恁麼未審和尚尊意如何法燈曰他  
家自有兒孫在師於是頓明厥旨初住筠州  
東禪院僧問如何是佛師曰汝是阿誰問荆  
棘林中無出路請師方便爲舍開師曰汝擬  
去什麼處曰幾不到此師曰閑言語間不免  
輪迴不求解脫時如何師曰還曾問建山麼  
曰學人不會乞師方便師曰放你三十棒問

如何是三寶師曰汝是什麼寶白如何師曰土木瓦礫師次住洪州雙林院後住雲居山三處說法著語要搜玄拈古代別等集盛行諸方此不繁錄至道三年丁酉九月示疾八

日申時令聲鍾集衆維那白云衆已集第6師曰

二十年間後學有賴吾去後山門大眾付契壞開堂住持凡事更在勤而行之各自努力珍重大眾纔散師歸西挾告寂壽六十九臘四十八今塔存本山

前金陵報恩院法安禪師法嗣

老僧三處住持三十餘年十方兄弟相聚話道主事頭首勤心贊助老僧今日火風相逼特與諸人相見諸人還見麼今日若見是末後方便諸人向什麼處見爲向四大五陰處見六入十二處見這裏若見便可謂雲居山

廬山棲賢寺道堅禪師有官人問某甲收金陵布陣殺人無數還有罪也無師曰老僧只管看問如何是祖師西來意師曰洋瀾左裏無風浪起問如何是棲賢境師曰棲賢有什

廬山歸宗寺第十四世慧誠禪師揚州人也。姓崔氏幼出家於撫州明水院受具遊方緣契慧濟禪師密承心印庵于廬山之金峯淳化四年孟夏月歸宗柔和尚歸寂郡牧與山門徒衆三請師開法住持初上堂未陞座謂

衆曰天人得道以此爲證恁麼便散去已是周遮其如未曉再爲重敷方乃陞座僧問郡主臨筵請師演法師曰我不及汝問如何是佛師曰如何不是問如何是祖師西來意師曰不知師又曰問話且住諸上座問到窮劫

問也不著山僧答到窮劫答也及何以故爲上座各有本分事圓滿十方亘古亘今乃至諸佛也不敢錯悞上座謂之頂族只助發上座所以道十方法界諸有情念念以證善逝果彼既丈夫我亦爾何得自輕而退屈諸

上座不要退屈信取便休祖師西來只道見性成佛其餘所說不及此說更有箇奇特方便舉似諸人分明記取到諸方莫錯舉久立珍重異日上堂僧問不通風處如何過得師曰汝從什麼處來僧舉南泉云銅餅是境餅

中有水不得動著境與老僧將水來鄧隱峯便拈瓶寫水南泉乃休師曰鄧隱峯甚奇怪要且亂瀉師接武歸宗十有四載常聚五百餘衆景德四年三月十八日上堂辭衆安然而化壽六十有七臘五十二全身塔于本山

前廬州長安院延規禪師法嗣

廬州長安院辯實禪師第二住僧問如何是祖

師西來意師曰少室靈峯住九霄

潭州雲蓋山海會寺用清禪師河州人也姓趙氏本州出家酷志求法遠參長安潛契宗

旨先住韶州東平山淳化二年知潭州張茂宗請居雲蓋第六住僧問有一人在萬丈井底如何出得師曰且喜得相見曰恁麼即穿雲透月去也師曰三十三天事作麼生僧無語問如何是雲蓋境師曰門外三泉井曰如何是境中人第六住師曰童行作子師有頌示衆曰

廿九雲蓋鎖口訣 擬議皆腦裂 拍手趁玄空雲露西山月

僧問如何是雲蓋鎖口訣師曰徧天徧地曰恁麼即石人點頭露柱拍手師曰一瓶淨水

一鑪香曰此猶是井底蝦蟆師曰勞煩大眾  
師常節飲食隨衆二時但展鉢而已或逾年  
月亦不調練服餌無妨作務有請必開即使  
飽食而亡拘執至道二年四月二日示疾而  
逝閣維建塔于本山

吉州青原山行思禪師第十一世

前蘇州長壽院朋彥大師法嗣

長壽第二世法齊禪師婺州人也姓丁氏始  
講百法因明二論尋置講遊方受心印於廣  
法大師建隆二年廣法歸寂付授住持節使

錢仁奉禮重請揚真要有百法座主問令公  
請命四衆雲臻向上宗乘請師舉唱師曰百  
法明門論曰畢竟作麼生師曰一切法無我  
問城東老母與佛同生爲什麼却不見佛師  
曰不見即道曰恁麼即見去也師曰城東老  
母與佛同生師太平興國三年戊寅捨衆就  
本院創別室宴居咸平三年庚子十二月十  
一日示滅壽八十九臘七十二

景德傳燈錄卷第二十六

音釋

漪 漪於其 显 余六進 即刀設 漪 胡谷即刀設  
切 墓落蒲切 靠 苦到切 鎔 息廉 破 破  
也 蘭 繩 繩疾陵切 帛也 纓汝朱切 鷗 斫  
也 繩 繩苦謗切 細也 纓短衣也 鷗鷗小鳥名  
也 繩 繩之涉切 漵 泉懸木也 漵罐 漵子皓切 洗  
也 纓 纓相摺也 漵 泉懸木也 漵罐 漵子皓切 洗

歲 承正 晡 博孤切 傷塞 傷彼側切 迫也 保  
赤 邶果切 養 羊諸切 以火告苦沃切 酷極也 利  
體 也 倉 燒治日也 豐也 利也 仁也 仁也  
也 也 也 也 也 也 也